

Freyheiten vnd Begnadungen/ so lobliche Käyser/ Könige/ Fürsten vnd Herren/ den Gewercken/ sie Vawlussig dadurch zumachen/ vnd die Bergwerck dadurch zu erheben/gnädigst gegeben. Daraus die BergHerren jekiger Zeit/ zu Beförderung iherer Bergwerck/ etwas nützliches vnd Guts nehmen können.

Vnd da sich zu vnsern Zeiten/ vnd künftig/ neue Bergwerck ereignen/ daben newe Ordnungen vnd Freyheiten vffgerichtet solten werden: So findet man in diesem Bergrecht allerley Bergordnungen/ sampt ihen Erleuterung der streitigen Artickeln in allen Metallen/ daraus man viel gutes vnd nützliches nehmen kan.

Summa summarum/ wann man es in Grund ansehen wil/ so sind Berghandel vnd Sachen/ die vornemsten/ grössten vnd wichtigsten Welthandel/ daraus grösse re Hader vnd Streite/ denn aus den Bürgerlichen Händeln/ erwachsen. Dann zu mehrern mahlten erfahren ist/ das zwischen zweyen armen BergGesellen/ ein grosser wichtiger Irthumb vnd Streit/ vmb ein wenig feldes willen erwächst/ dann zwischen zweyen gewaltigen König/ vmb ein ganzes Landt: Vnd trägt sich oft zu/ daß die allerärmesten Bergleute/ die nicht so viel Eigens haben/ da sie die nächste Nacht ihr Haupt hinlegen/ vnd den folgenden Tag iher Brodt von haben mögen/ Eine solche wichtige Frage vnd Handlunge in Bergwerken/ die sich in viel 1000. Marck Silber erstrecket haben. Zu welcher Erörderung/ sich Commissarien, Advocaten, vnd andere Bergrechts Verständige/ müssen gebrauchen lassen/ Desnen allen/ vnd jeden sonderlich dieses Werck nützlich: als in welchen sie nohtdürftigliche Instruction in alle Bergfällen zu befinden haben. Neben diesem/ bin ich auch in künftigen/ so mir Gott das Leben wird fristen/ mit mehrern schönen/ nützlichen vnd nötigen Bergrechts sachen/ den günstigen Leser zu dienen entschlossen / Welchen ich Gott dem Allmächtigen zu guter Gesundheit/ allen gedenlicher Wolsfahrt/ Leibes vnd der Seelen/ mit andächtigem Gebet
befehle/ Amen.



Berg